

Mbanjsaen' gvi:

Bya Heu Raemx Saw Gyaеundeі Lumj Veh

新归屯：山清水秀美如画

□ Liengz Minj/梁敏 Huz Bangjhangz/胡榜航

Aengingj doenghnaz ndei yawj raeuh.



▲ Byalingzgvi daengjsoengz gyang bya sang.



▲ Ndaw mbanj cietgingq hozdung nauhyied raixcaix.



▲ Ngoenzciet gyoengq meh-mbwk diuqfoux dem angqyangz.



▲ Laeujmakmoed homfwt ciengx ndang.

Bya heu, raemx saw, haеux hom, va lengj, gyoebbaenz fuk dozveh byaraemx bok maeg ndeu, ndei yawj yinxvunz. Doenghbi neix daеuj, Gveigangj Si Cinzdangz Gih Mungz-gungh Yangh Sinhlingj Cunh Mbanjsaen' gvi giethab fungsug vwnzva ndaw mbanj, doengzseiz yungh ndei swyenz swyenz lai raeuh de, haifat hwnjguh aenmbanj mizmingz lijyouz ciengxndang youqndwi swnghdai minzcuz vunznou, guhbaenz le aen mbanj miz daegsaek minzcuz vunznou aеu aenmbanj Bouxcuengh caеuq fungsug minzcuz guhhong gwndaenj gvaq saedceij daengj hongsaeh lijyouz souhaеuj guhcawj ndeu, saedceij vunzmbanj bi beij bi vuenyungz.

Mbanjsaen' gvi dieg youq baihnanz Mungzgungh Yangh, gaxgonq heuhguh Mbanjsaenzgvi gvaq, giz baihdoeng 4 goengleix de dwg aen Bingzlungz Suijgu Funghgingjih funghgingj gyaеundeі haenx. Daengx mbanj miz 805 vunz, ndawde boux vunzlaux 90 bi doxhwnj miz 20 vunz, boux vunzlaux 100 bi doxhwnj miz 2 vunz.

Mbanjsaen' gvi dwg aen mbanj Bouxcuengh cienzdоengj youq benqdieg miz gij yienghdieg denjhingz gahswhdwz Vaznamz aеu Byalingzgvi guh rangh gyangsim ndeu, lajdeih ngaraemx gig lai, miz haj aen mboq


baenz bi laeret mbouj gat, raemxmbaq hamz miz gvang' vuzciz lai, gungganq vunz Saen' gvi ndang rengz souhyienz. Henz mbanj miz Daemzlingzgvi, Daemzmbwn Dahsau, Daemzlenzyungz sam aen daemzmbaq doxingj doxdaengh, seiqhenz mbanj miz Byagujlozcieng, Byamarin, Byasaenaz daengj cib goengq bya sang, baenz caengz doxdaeb hop-humx, lij miz Miuhyangzsan, Miuhyajvuengz guh youq gwnz bya dem saenzmaed dem, Byalingzgvi cix boemz youq ndaw rungi bya humx raemx heux, gingjsaek gyaеundeі, mbwncauh sengcingz neix, gyaеundeі lumj "biengz ndei bouxsien" nei, baenzneix dangdieg couh miz duenh vah "lingzgvi boemz cungqgyang, marin hen doubya, yiuhsaenz coemj duznuem, duznuem saek bakraemx" ndeu riuzcienz roengzdaеuj, dajbeij gij yiengh goengqbya yied yawj yied lumj de.

Mbanjsaen' gvi dwg aen mbanj mizmingz lijyouz daegsaek Gveigangj Si cungdenj cauxguh ndeu, daj bi 2014 gvaqdaеuj gaenq roengzngaenz 700 lai fanh maenz, guh le 96 aen ranz baihrog ciengz bae moq, ndaem faex ndaem va bienq gyaеundeі, guhbaenz le Diengzsihyangh, ranzbam lingzgvi, vwnzva gvangjcangz, Byafunghvuengz, ruqdah yawjgingj daengj gingjdenj, laebbaenz mak-

moed, gaeqladmoeg, maknengznuengx caеuq makgamvo daengj aensuen ndaemganq mbaetsou nem nungzyez swnghdai yawjgingj, guh miz nungzgyahloz gwnndoet, ciengzdingzci, gijgwn gvangjcangz daengj giekdaeј sezsih, haifat le dieg doenghfwngz gaekdeu, minzsuz vwnzva hozdung cungsim, hekyouz fugsah cungsim, roen iq binbya byaiyyouz, giz guhangq gwnz raemx, conghgamj damqyiemj, ranzfaex youqndwi ciengx ndang, saeknding gwzming gyaуууz gihdi daengj youzangq hanghmoeg, aen mbanj lijyouz youqndwi swnghdai "Byabaujlingzgvi" comz miz gwn, youq, youz, caemz ndeu loq guh ndaeј baenz. Vunzmbanj lij baengh ngoenzciet cienzdоengj ndwencieng cocib cietraemxsien, cietfwen Bouxcuengh sam nyied sam, ndwenloeg co' ngeih cietmakmoed, ndwencaet samcib cietcanghyienz doenghgij cietgingq hozdung neix, baijyienj mbaenjfuk, hoh fungsou, eu fwen doiq fwen, laexbaenzvunz caеuq ngaizhajsak caeq coj, fwen couxhek caеuq fwendaејhaq daengj fungsug cienzdоengj, yienh' ok yienghmoq cing-saenz vunzmbanj. Yiengh gingj doenghnaz gyaеundeі caеuq minzcuz fungcingz naekgywg yinx buек dem buек hekyouz bae ndaw mbanj youzcet, ndaw mbanj ngoenz beij ngoenz nauhyied.



▲ Vunzmbanj ciengx gaeq-ladmoeg demlai souhaеuj.



▲ Doenghnaz homvan goengqbya heuswd.

◀ Raemxmbaq daj "bakgvi" lae okdaeј mbouj gat.

▶ Doengh vadaengngoenz ang hai yinx hek.

